

植物名實圖攷

植物名實圖考長編卷之二

固始吳其濬著

蒙自陸應穀校刊

穀類

粱

粟附直省志書穀

秬

菰豆

粳

稻

蘖米

附

春杵頭細糠

附

醋

附

酒

附

餠餠附

稜

胡豆子

黎豆

東廬

師草實

苜米

狼尾草

菜豆

白豆

蕎麥

稗子

參子

蠶豆

豇豆

刀豆

蜀黍

玉燭黍

豌豆

雀麥

燕麥

青稞

粱

爾雅藁赤苗註今之赤粱粟芑白苗註今之白粱粟皆好穀疏
按大雅生民云誕降嘉種秬秠維糜維芑故此釋之也藁
與糜音義同藁卽嘉穀赤苗者郭云今之赤粱粟芑卽嘉穀白
苗者郭云今之白粱粟皆好穀也

別錄青粱米味甘微寒無毒主胃痺熱中消渴止洩痢利小便
益氣補中輕身長年陶隱居云凡云粱米皆是粟類惟其牙頭
色異爲分別耳青粱出北今江東少有汜勝之書云粱是秠粟
今俗用則不爾

唐本草註青粱穀穗有毛粒青米亦微青而細於黃白粱也穀粒似青稞而少麤夏月食之極爲清涼但以味短色惡不如黃白粱故人少種之此穀早熟而收少堪作餽清白勝餘米

食療本草青粱米以純苦酒一斗漬之三日出百蒸百暴好裹藏之遠行一晝十日不飢重晝四百九十日不飢又方以米一斗赤石脂二斤合以水漬之令足相淹置於暖處二三日上清白衣搗爲丸如李大日服三丸不飢謹按靈寶五符經中白鮮米九蒸九暴作辟穀糧此又用青粱米未見有別出處其米微寒常作飯食之澁於黃白米體性相似

圖經粱米有青粱黃粱白粱皆粟類也舊不著所出州土陶隱居云青粱出北方黃粱出青冀州白粱處處皆有蘇恭云黃粱出蜀漢商浙間亦種之今惟京東西河陝間種蒔皆白粱耳青黃乃稀有青粱殼穗有毛粒青米亦微青而細於黃白米也黃粱穗大毛長殼米俱麤於白粱而收子少不耐水旱襄陽有竹根者是也白粱穗亦大毛多而長殼麤扁長不似粟圓也大抵人多種粟而少種粱以其損地力而收穫少耳諸粱食之比他穀最益脾胃性亦相似耳粟米比粱乃細而圓種類亦多功用則無別矣其泔汁及米粉皆入藥近世作英粉乃用粟米浸累

日令敗研澄取之今人用去穢瘡尤佳

本草衍義青黃白粱米此三種食之不及黃粱青白二種性皆微涼獨黃粱性甘平豈非得土之中和氣多邪今黃白二種西洛間農家多種爲飴尤佳餘用則不相宜然其粒尖小於他穀收實少故能種者亦稀白色者味淡

別錄白粱米味甘微寒無毒主除熱益氣陶隱居云今處處有襄陽竹根者最佳所以夏月作粟飡亦以除熱

唐本草註白粱穗大多毛且長諸粱都相似而白粱殼麤扁長不似粟圓也米亦白而大食之香美爲黃粱之亞矣陶云竹根

竹根乃黃粱非白粱也然粱雖粟類細論則別謂作粟淦殊垂的稱也

食療本草白粱米患胃虛并嘔吐食及水者用米汁二合生薑汁一合服之性微寒除胸膈中客熱移五藏氣緩筋骨此北人長食者是亦堪作粉

別錄黃粱米味甘平無毒主益氣和中止洩陶隱居云黃粱出青冀州此間不見有爾

唐本草註黃粱出蜀漢商浙間亦種之穗大毛長穀米俱龕於白粱而收子少不耐水旱食之香美逾於諸粱人號爲竹根黃

而陶註白粱云襄陽竹根者是此乃黃粱非白粱也

齊民要術粱秫並欲薄地而稀一畝用子三升半

地良多雉尾苗穠穗不成

種與植穀同時

晚者全不收也

燥濕之宜耙勞之法一同穀苗收刈欲

晚

性不零落早刈損實

本草綱目李時珍曰粱者良也穀之良者也或云種山自梁州

或云粱米性涼故得粱名皆各執已見也粱卽粟也考之周禮

九穀六穀之名有粱無粟可知矣自漢以後始以大而毛長者

爲粱細而毛短者爲粟今則通呼爲粟而粱之名反隱矣今世

俗稱粟中之大穗長芒粗粒而有紅毛白毛黃毛之品者卽粱

也黃白青赤亦隨色命名耳郭義恭廣志有解梁具梁遼東亦梁之名乃因地命名也

爾雅翼梁今之粟類古不以粟爲穀之名但米之有稭殼者皆稱粟今人以穀之最細而圓者爲粟則梁是其類內則曰飯黍稷稻梁白黍黃梁稽樵說者曰下言白黍則上是黃黍下言黃梁則上是白梁今梁有三種青梁殼穗有毛粒青米亦微青而細於黃白米也夏月食之極爲清涼但以味短色惡不如黃白梁故人少種之亦早熟而收少作餲清白勝餘米黃梁穗大毛長殼米俱麤於白梁而收子少不耐水旱食之香味逾於諸梁

人號爲竹根黃白粱穗亦大毛多而長殼麤扁長不似粟圓米亦白而大其香美爲黃粱之亞古天子之飯所以有白粱黃粱者明取黃白二種耳今人大抵多種粟而少種粱以其損地力而收穫少耳然古無粟名則是以粱充粟今粟與粱功用亦無別明非二物也粱比它穀最益胃但性微寒其聲爲涼蓋是亦借涼音如許叔重說黍大暑而種則以黍從暑粱從涼其義一也古食醫會膳食之宜則犬與粱相副先儒以爲犬味酸而溫粱甘而微寒亦氣味相成也粱食之美者故稱膏粱之性難正以其養厚而易驕若歲凶則大夫無故不食粱

九穀考說文禾嘉穀也二月始生八月而孰得時之中故謂之

禾

徐鍇說文繫傳作得時之中故謂之禾也

禾木也木王而生金王而死粟嘉穀

實也孔子曰粟之為言續也米粟實也象禾實之形

繫傳作米穰實也象

禾黍之形

梁米名也夢赤苗嘉穀也芑白苗嘉穀穰芒粟也秀

無采說

禾成秀也人所以收从爪禾

繫傳作从禾爪聲

穗

采重文繫傳作采俗

穢禾穢也

穎禾末也詩曰禾穎穰穰禾采之兒蓬

穰重文

稊禾危穗也穉禾

垂而秒禾芒也秧禾若秧穰也稗禾莖也春秋傳曰或投一秉

稗

稗重文

稟稗也稽禾稟去其皮祭天以為席稹禾皮也稃稃

也

稃重文

稃稃也稃穀皮也康

稃重文

節禾粟之采生而不成者

謂之董節稂

重文

秕不成粟也莠禾粟下生莠讀若酉

繫傳作禾粟下

揚生莠

稗禾別也案禾粟之有稂者也其實粟也其米梁也聘禮

及周官掌客之職禾皆言若干車車三秬薪芻倍禾以薪芻例

禾是禾爲有稂者矣又聘禮記云四百秉爲一秬鄭氏注此秉

爲刈禾盈手然則秉秬者束稂之名禾爲粟之有稂者故以秉

秬數之也聘禮米禾皆兼黍稷稻粱言之以他穀連稂者不別

立名卽穀中之實亦無異號惟粟有之遂假借通稱抑以事難

件繫有足相包者屬文之法耳非謂禾爲諸穀苗幹大名也

說文

稱一秬爲粟二十升禾黍一秬爲粟十六升大淮南子夫子見
牛升此稻黍之實亦曰粟所謂假借通稱者也

禾之三變也

呂氏春秋引莊子一上一下以禾爲量高誘注禾有三變故以爲法也

滔滔然曰狐

鄉邱而死我其首禾乎故君子見善而痛其身焉注云三變始

於粟粟生於苗苗成於穗也禾穗垂而向根君子不忘本也

春秋

說題辭曰粟五變一變而以陽生爲苗二變而秀爲禾三變而粲然爲粟四變入臼米出甲五變而蒸飯可食張衡思

元賦滋令德於正中兮合嘉禾以爲敷旣垂穎而顧本兮爾要

思乎故居今諸穀惟粟穗向根顧本可驗也管子書桓公觀於

野曰何物可比於君子之德乎隰朋曰夫粟內甲以處中有卷

城外有兵刃未敢自恃自命曰粟此其可比於君子之德乎管

仲曰苗始其少也朏朏乎何其孺子也至其壯也莊莊乎何其

士也至其成也由由乎茲免何其君子也天下得之則安不得則危故命之曰禾此其可比於君子之德矣余案茲免云者免俯也茲益也謂其穗益俯而向根也管仲之言殆卽三變之謂乎隰朋內甲之云謂米處穀內卷城謂稭周於甲藏於芒中兵刃者芒在其外也是故管仲言命之曰禾隰朋言自命曰粟一指謂嘉穀之連稾者一指謂嘉穀實也七月之詩云黍稷重穋

禾麻菽麥嗟我農夫我稼既同禾爲諸穀中之一物明矣

周官草人

職相其宜而爲之種注云黃白宜以種禾之屬管子書云古之封禪者鄙上之黍北里之禾呂氏春秋云今茲羔禾來茲羔麥又言禾黍稻麻菽麥六者之貴得時淮南子言麥稻黍菽禾五者之各有所宜地初學記載范計然之言穀曰麥稻麻菽禾

書食貨志董仲舒曰春秋他穀不書至於麥禾不成則書之以
此見聖人於五穀最重麥禾也汜勝之書曰凡種黍皆如禾欲
疏於禾說文納稼專言禾者稼以禾為主故重見於上以目之
曰秦地宜禾
也疏言麻與菽麥無禾稱似也言於麻麥之上更言禾以總諸
禾因以禾為諸穀苗幹之大名不然也黍稷亦有禾胡獨不
在所總耶且上既以禾目之復於黍稷外偏出禾南方人呼其
禾以總諸禾凌亂錯互古人屬文當不如是也

實曰粟穀米曰粟米北方人但呼穀呼米北人食以粟為主猶
南人食以秬為主南人呼秬亦但呼穀米不加秬字也禾有赤

苗白苗之異謂之蘳芭詩曰維糜維芭是也

集韻蘳或作蘳糜菰余細詢

農人又以目驗知之

余見禾之赤苗初生一二葉純赤色三四

直隸山西人猶別而呼之曰紅苗穀白苗穀赤白苗穀之外又有
黃苗者黃苗穀殼有黃色白色二種米皆不黏白苗之穀殼黑